

ACTA DA SESIÓN ORDINARIA CELEBRADA POLA COMISIÓN INFORMATIVA PERMANENTE DE PERSOAL, SERVIZOS, REFORMA ADMINISTRATIVA E SEGURIDADE CIDADÁ O DÍA 22 DE MARZO 2013 ÁS 14:30 HORAS.

Sendo as catorce horas e trinta minutos (14:30) do día 22 de marzo de 2013, réunese en sesión ordinaria convocada ao efecto a Comisión Informativa Permanente de Persoal, Servizos, Reforma administrativa e Seguridade cidadá, coa asistencia das/os concelleiras /os que de seguido se indican.

Concelleiros/as asistentes:

Vocais:

Grupo municipal popular

M^a Eugenia Martín Vicente

M^a Carmen Verde Leboráns

Alfredo Taboada Alvelo

Grupo municipal socialista

José Manuel Miñones Conde

M^a Isabel González Cancela

Concelleiras/os non adscritas/os

M^a Pilar Candocia Pita

Susana Mallo Redondo

Olalla Alvite del Río

Xosé Anxo Doval Rey

M^a Dolores Fernández Álvarez

Manuel J. Ferreiro Santiago

Alfonso Rey López

María González Gómez

Emilio Martínez Carballeira

Ramón García Argibay

Presidente: Don Santiago Vicente Amor Barreiro

Secretaria: Dona Rosa Ana Prada Queipo

ORDE DO DÍA:

Punto primeiro.- Aprobación, se procede, de actas anteriores.

A acta correspondente á sesión do 22 de febreiro de 2013 resulta aprobada por maioría absoluta cos votos a favor de todos os membros da comisión asistentes e a abstención das/os concelleiras/os non adscritas/os dona M^a Dolores Fernández Álvarez, dona María González Gómez, don Manuel J. Ferreiro Santiago e don Alfonso Rey López, por non ter estado presentes nesa sesión.

Punto segundo.- Moción do grupo municipal socialista (R.E. 4500, de 15 de marzo), sobre a reforma da Lei de bases de réxime local prevista polo Goberno central.

O señor presidente da comisión cede a palabra ao grupo proponente da moción, intervindo dona **Isabel González Cancela**, que substancialmente indica que non vai ler o texto da moción porque supón que todos os presentes xa a leron, e que o motivo de presentala é a intención de paralizar esta reforma en tanto en canto non se consensúe un novo texto pactado con todos os axentes implicados.

Intervén don **Ramón García Argibay** que, substancialmente, indica que ten que plantexar unha cuestión formal relativa a que, se non poden presentar unha emenda no pleno, se reservan un voto particular nesta moción que formularían con posterioridade.

Intervén a señora secretaria dona **Rosa Ana Prada Queipo** para indicar

substancialmente que efectivamente, xa que os asistentes á comisión informativa teñen os asuntos con dous días hábiles de antelación, teñen a posibilidade de ter a súa posición formada de cara á comisión informativa, por iso a emenda é para quen non estivo na comisión. Se queren facer algún tipo de alteración ao texto da moción e non o teñen claro agora, teñen que votar en contra e aportar despois un voto particular, que en teoría tería que aportarse ao día seguinte, e sendo hoxe venres, para a semana que ven.

Se interesa don **José Manuel Miñones Conde** polo tratamento legal do voto de cada un das/os concelleiras/os non adscritas/os, ao que a señora **secretaria** responde que a votación é proporcional á composición do pleno, hai que acudir a unha “ficción” de voto ponderado sen que realmente o sexa, é dicir, os votos das/os concelleiras/os non adscritas/os valen na comisión proporcionalmente ao que valen no pleno. Pregunta tamén o señor **Miñones** pola posibilidade de que só un deles votase en contra, respondendo a señora **secretaria** que sendo así habería que saber qué vota o resto para ter o resultado, xa que o grupo de goberno ten cinco de vinteún, por iso o seu voto aquí non é maioritario; engade que a situación é complexa. Di que se trata dun asunto difícil de entender, explicando que agora mesmo o grupo municipal popular ten dereito a catro representantes porque iso é o que foi acordado no pleno de organización. O que cambia é que hai un total de dez concelleiras/os que, en exercicio dos seus lexítimos dereitos, variaron a súa situación, sendo as/os concelleiras/os non adscritas/os. Remata dicindo que o resultado é sempre proporcional á presenza no pleno.

Se interesa don **José Manuel Miñones Conde** por se os acordos do pleno de organización poden ou non ser mudados noutro pleno, ao que a señora **secretaria** responde que se poden cambiar o resto dos acordos plenarios excepto o referente aos grupos municipais, que só se pode facer no pleno de organización, porque a lexislación prevé que se funcione por grupos, e o que poda suceder despois en canto a cambios é unha situación non regulada.

Tras un breve cambio de impresións o asunto é ditaminado favorablemente cos votos favorables de todos os presentes excepto o voto en contra de dona M^a Dolores Fernández Álvarez, don Manuel Ferreiro Santiago, don Alfonso Rey López, dona María González Gómez, don Emilio Martínez Carballeira e don Ramón García Argibay, que anuncian voto particular.

E non habendo mais asuntos de que tratar o señor presidente da por rematada a sesión ás quince horas do día de referencia de todo o que eu como secretaria certifico.